

Gvangjsih Guh Hozdung Gyauhliuz Saedhengz Gak Cuz Ginzcong Couqmaenh Gij Eiqsik Cunghvaz Minzczu Ranz Vunz Ndeu (Geiz Daihroek)

Bonjbauq siusik (gicej Vangz Yigiz) 8 nyied 27 hauh daengz 29 hauh, hozdung gyauhliuz saedhengz gak cuz ginzcong couqmaenh gij eiqsik Cunghvaz Minzczu ranz vunz ndeu (geiz daihroek) youq Hocouh Si guh, hozdung youz Swcigih Minzczunghvej cawjbanh, Hocouh Si Minzczunghvej ciepbanh. 33 boux bouxguhong gihcwngz daj Liujcouh, Gveilnz, Vuzcouh, Hocouh daengj si minzczu yangh, cin(gai), mbanj (segi) daengj daeuj camgya hozdung. Doenggyaq guh hozdung cazyawj gyauhliuz lai cungj lai yiengh demgiengz gij roxnyinh gvisug Cunghvaz Minzczu ranz vunz ndeu, mbouj-duenh coihaeuj “haj aen nyinh-

doengz”, cauh ok gij heiqfaenh ndei gak cuz ginzcong doxgiet buekguh, doxbang baenaj, vih hwnqguh couqmaenh gij eiqsik Cunghvaz Minzczu ranz vunz ndeu okrengz.

Hozdung hopheux hwnqguh gih guhyiengh couqmaenh gij eiqsik Cunghvaz Minzczu ranz vunz ndeu, cauhlaeb minzczu doxgiet, senj dieg senj ranz anbaiz, lajmbanj saenqhwngh daengj hong guh gingniemh gyauhliuz, gyoenqg bouxguhong gihcwngz saeddeih cazyawj le Bingzgvei Gih Gai Sihvanh Vwnzvaz Segih, Bingzgvei Gih Minzczu Yozyau, Bingzgvei Gih Ngozdangz Cin Mbanjcauzdui daengj dieg, cungdenj roxyiuj cauhlaeb minzczu doxgiet baenaj hauej segih,

hagdangz, giyez daengj cingzgvang, roxyiuj gij goj minzczu doxgiet caeuq lizsij saehsaed gak minzczu “sam gyau” dangdieg, roxyiuj yendai nungzyez, hwnqguh saekhoengz lijyouz lajmbanj caeuq anbaiz ndei hong senj dieg senj ranz daengj mizgven cingzgvang. Hozdung iucingj le boux guhyiengh daengx guek minzczu doxgiet baenaj Gyangh Vanjyingh daeuj gyauhliuz gingniemh hong minzczu doxgiet baenaj, gangj gij gingniemh caeuq gamjsouh 36 bi daeuj guh saehnieb minzczu gyauyuz de. Lij iucingj le boux lauxsae Hocouh Yozyen guh lwnhgangj saedguh daejniemh hamj gyaiq densangh.

Daihgya cungj nyinhnaeuz, baez hozdung neix neiyungz cungsaed, hingzsik lai cungj lai yiengh, gawq miz lijun cijdauj youh miz saedhengz cazyawj, daezhawj le siengjap dijbauij caeuq gingniemh baenzyungh. Daihgya naeuz, hag ndaej doxgaiq liux baema yaek yungh daengz gij hong bonjfaenh bae, cizgiz hag gij gingniemh ndei, guhfap ndei, giethab bonjdieg saedsaeh cauhmoq fuengfap hong minzczu, engq ndei coicaenh gak cuz ginzcong “sam gyau”, caezcaemh doxgiet buekguh, doengzcaez mwnhoengh hwnghat, vih sij biencieng Gvangjsih gij yendaiva yiengh Cungguek gietcomz gij rengzhab engq giengz.

Nanzningz Si Sinhgingh Minzczu Yozyau Hwnj “Haihag Dangz Daih’ it”

9 nyied 1 hauh, aen cizdij guhyiengh daengx guek minzczu doxgiet baenaj—Nanzningz Si Sinhgingh Minzczu Yozyau aeu “Cunghvaz Minzczu ranz vunz ndeu, doxgiet caemh cuk loq giengzguk” guh cawjdaez hwnj “haihag dangz daih’ it” aen yozgiz moq. Cingqngamj bungz Cungguek yinzminz gang Yiz cancwnggh caeuq seiqgyaiq fanj Fazihswh cancwnggh ndaejhingz 80 hopbi, yozyau doenggyaq swng guekgeiz, gangj gojgaeq, geiq senhleiz, hag boux guhyiengh daengj lai yiengh hingzsik, gyauyuz lauxsae hagseng gyaez guek, hawj gij cingz guekranz ndaem hauej ndaw sim lauxsae hagseng bae.

(Liengz Manj/梁满 Couh Bungz/周鹏)



▲ Gyoengq hagseng langhsing doeg sei 《Sij Cungguek, Gou Gyaez Mwnz Cungguek》. Liengz Manj ingj

Cingsih Si Gaiq Daihseiq Dinfwngz Feihyiz Doxdax Haiguh

8 nyied 28 hauh, Cingsih Si gaiq daihseiq dinfwngz feihyiz doxdax haiguh. Doxdax hanghmoeg miz daemj man Bouxcuengh, guh aendom, cabsa gang’ vax daengj, yienhciegiz nauhyied dangqmaz, 150 boux canghdaemj (canghsuq), 23 boux canghgang’ vax nyinhcaen doxdax, beij dinfwngz giuj, hawj bouxyawj cigciep gamjsouh gij yinxdaeuz daegbied dinfwngz feihyiz. (Cai Liz/蔡立 Lij Leij/李磊 Maj Mingz/马铭)



▲ Canghdaemj son daeglwg guh man. Cai Liz ingj



▲ Gyoengq dangiyenz comz naengh dinga gij goj hoenxcienqa.

Yungzsuij: Cawjdaez Hozdung Ngoenzdangi Fatyiengz Cingsaenz Hoenxcienqa

8 nyied 29 hauh, Yungzsuij Myauzczu Swciyen youq Lijyznganz Gangcan Geiqniemhguen guh cawjdaez hozdung “dauqngex ndaejgeiq saekhoengz • fatyiengz cingsaenz gangcan” ngoenzdangj, doenggyaq dingq gij gojgaeq gangcan, cazyawj gij doxgaiq gangcan daengj hingzsik, hawj gyoenqg dangjyenz ganbu Yungzsuij geiqmaenh gij lizsij gangcan, fatyiengz gij cingsaenz gangcan, ndaem laeg gij cingz gyaez dangj, gyaez guek. (Lungz Linzci/龙林智)